

14-amaliy mashg'ulot

Mavzu: Oddiy differensial tenglamalar va ularning sistemalari asosida yechiladigan modellashtirish masalalari

Reja

1. Amaliy mashg'ulot uchun kerakli jihozlar
2. Nazariy ma'lumotlar
3. Differensial tenglamalar haqida umumiy tushuncha
4. MatLab dasturida xususiy hosilali differensial tenglamalarni yechish
5. Amaliy qism
6. Amaliy topshiriqlar

Kerakli jihozlar. Matlab®/Simulink®dasturiy ta'minoti bilan ta'minlangan kompyuterlar va printerlar.

Nazariy ma'lumotlar

Differensial tenglamalar haqida umumiy tushuncha

Differensial tenglamalar va ularning sistemalari juda ko'p dinamik jarayonlarning matematik modellarini qurishda qo'llaniladi. Bunday differensial tenglamalar yoki ularning sistemalari yechimlari to'plami cheksiz bo'lib, yechimlar bir biridan o'zgarmas sonlarga farq qiladi. Yechimni bir qiymatli aniqlash uchun qo'shimcha tarzda boshlang'ich yoki chegaraviy shartlar qo'yiladi. Bunday shartlar soni differensial tenglama yoki ularning sistemasi tartibi bilan mos bo'lishi lozim. Qo'shimcha shartlarning berilishiga bog'liq holda differensial tenglamalarni quyidagi ikki turdagi masalaga ajratiladi:

- *Koshi masalasi* – qo'shimcha shart sifatida intervalning bitta nuqtasi (boshlang'ich nuqtasi) berilgan bo'lsa;
- *Chegaraviy masala* - qo'shimcha shart intervalning chegaralarida berilgan bo'lsa.

Differensial tenglamalar haqida umumiy tushuncha.

1 – ta'rif. Differensial tenglama deb erkli o'zgaruvchi x , noma'lum $y=f(x)$ funksiya va uning $u', u'', \dots, u^{(n)}$ hosilalari orasidagi bog'lanishni ifodalaydigan tenglamaga aytiladi.

Agar izlangan funksiya $y=f(x)$ bitta erkli o'zgaruvchining funksiyasi bo'lsa, u holda differensial tenglama oddiy differensial tenglama, bir nechta o'zgaruvchilarning funksiyasi bo'lsa $u=U(x_1, x_2, \dots, x_n)$ xususiy hosilali differensial tenglama deyiladi.

2-ta'rif. Differensial tenglamaning tartibi deb tenglamaga kirgan hosilaning eng yuqori tartibiga aytiladi.

3-ta'rif. Differensial tenglamaning yechimi yoki integrali deb differensial tenglamaga qo'yganda uni ayniyatga aylantiradigan har qanday $y=f(x)$ funksiyaga aytiladi.

Birinchi tartibli differentsial tenglama umumiy holda quyidagi ko'rinishda bo'ladi.

$$F(x, y, y') = 0 \quad (2.1)$$

Agar bu tenglamani birinchi tartibli xosilaga nisbatan yechish mumkin bo'lsa, u holda

$$y' = f(x, y) \quad (2.2)$$

tenglamaga ega bo'lamiz. Odatda, (2.2) tenglama hosilaga nisbatan yechilgan tenglama deyiladi. (2.2) tenglama uchun yechimning mavjudligi va yagonaligi haqidagi teorema o'rinli :

Teorema. Agar (2.2) tenglamada $f(x, y)$ funksiya va undan y bo'yicha olingan df/dy xususiy hosila XOY tekisligidagi (x_0, y_0) nuqtani o'z ichiga oluvchi biror sohada uzluksiz funksiyalar bo'lsa, u holda berilgan tenglamaning $y(x_0) = y_0$ shartnii qanoatlantiruvchi birgina $y=j(x)$ yechimi mavjud.

$x=x_0$ da $y(x)$ funksiya y_0 songa teng bo'lishi kerak degan shart boshlang'ich shart deyiladi:

$$y(x_0) = y_0$$

4 – ta'rif. Birinchi tartibli differensial tenglamaning umumiy yechimi deb bitta ixtiyoriy C o'zgarmas miqdorga bog'liq quyidagi shartlarni qanoatlantiruvchi

$$y=j(x, c)$$

funksiyaga aytiladi:

- a) bu funksiya differensial tenglamani ixtiyoriy c da qanoatlantiradi;
- b) $x=x_0$ da $y=y_0$ boshlang'ich shart har qanday bo'lganda ham shunday $c=c_0$ qiymat topiladiki, $y=j(x, c_0)$ funksiya berilgan boshlang'ich shartni qanoatlantiradi.

5 – ta'rif. Umumiy yechimni oshkormas holda ifodalovchi $F(x, y, c) = 0$ tenglik (1.1) differentsial tenglamaning umumiy integrali deyiladi.

6 – ta'rif. Ixtiyoriy c - o'zgarmas miqdorda $c=c_0$ ma'lum qiymat berish natijasida $y=j(x, c)$ umumiy yechimdan hosil bo'ladigan har qanday $y=j(x, c_0)$ funksiya xususiy yechim deyiladi. $F(x, y, c_0)$ - xususiy integral deyiladi.

7-ta'rif. (2.1) differensial tenglama uchun $dy/dx=c=const$ munosabat bajariladigan nuqtalarning geometrik o'rni berilgan differensial tenglamaning izoklinasi deyiladi.

Differensial tenglamalar va ularning sistemalarini yechish uchun MATLAB paketida quyidagi funksiyalar tashkil qilingan: *ode 45*(f , interval, X_0 , options), *ode 23*(f , interval, X_0 , options), *ode113*(f , interval, X_0 , options), *ode15s*(f , interval, X_0 , options), *ode 23s*(f , interval, X_0 , options), *ode 23t*(f , interval, X_0 , options), *ode 23tb*(f , interval, X_0 , options).

Bu funksiyalarning kirish parametrlari:

- ✓ f - vektor funksiya bo'lib, $x' = f(x, t)$ tenglamani hisoblash uchun qo'llanilgan;
- ✓ X_0 - boshlang'ich shart vektori;
- ✓ interval- ikkita sondan iborat massiv bo'lib, differensial tenglama yoki sistemaning integrallash intervalini aniqlaydi;
- ✓ options- differensial tenglama yoki ularning sistemalarini yechishning borishini boshqarish parametri.

Barcha funksiyalar quyidagi natijalar chiqaradi:

- ✓ T massiv – yechim izlanayotgan to'rtinchi ko'ordinatalari.
- ✓ X matritsa – i – ustuni yechim vektorining T_i bo'lakdagi qiymati.

Ode 45 funksiyada to'rtinchi-beshinchi tartibli Runge-Kutta usuli, *ode 23*da ikkinchi – uchinchi tartibli Runge-Kutta usuli, *ode113* funksiyasida esa Adams usuli kiritilgan.

Qattiq sistemalarni yechishga mo'ljallangan funksiyalar *ode15s*, ya'ni bu funksiyada Gir usuli kiritilgan. Rozenbrok usuli *ode 23s* funksiyasida, qattiq sistemaning yanada yuqori aniqlikdagi yechimini olish uchun *ode15s* funksiyasini qo'llash mumkin.

MatLab dasturida xususiy hosilali differensial tenglamalarni yechish

Differensial tenglamalar sistemasining “qattiq sistema” bo'lish ta'rifini keltiramiz. n - tartibli differensial tenglamalar sistemasi dx

$$\frac{dx}{dt} = Bx \quad (5.1)$$

qattiq sistema deyiladi [7], agar quyidagi shart o'rinli bo'lsa:

- B matrisa barcha xos sonlarining haqiqiy qismi musbat bo'lsa: $\text{Re}(\lambda_k) < 0$, $k=0,1,\dots,n-1$;

$$\max_k \text{Re}(\lambda_k) < 0 \text{ son, katta bo'lsa.}$$

➤ Sistemaning qattqlik soni deb ataluvchi $s = 0$

$$\min \operatorname{Re}(\lambda_k)$$

$$\frac{dx}{dt} = f(t, x) \quad (5.2)$$

$$x_1(t) \in C^1([t_0, t_1], \mathbb{R}^n) \quad \text{va} \quad x_1(t_0) = x_0$$

$$x = (x_1, x_2, \dots, x_n)^T, \quad f = (f_1, f_2, \dots, f_n)^T$$

$$(t, x) \in [t_0, t_1] \times \mathbb{R}^n \quad \text{va} \quad f(t, x) \in \mathbb{R}^n$$

$$x_0 = (x_{10}, x_{20}, \dots, x_{n0})^T \in \mathbb{R}^n$$

è

(5.2) chiziqsiz differensial tenglamalar sistemasini qattqlikka tekshirishda B

rolida \mathbb{F}^L xususiy hosilalar matrisasi ishlatiladi. matrisa

$$\mathbb{F}^L_{x_j}$$

Uncha katta bo'lmagan qattqlik soni bilan berilgan sistemalarni yechish uchun ode23t, shunga o'xshash sistemalarni baholash uchun ode23tb, funksiyalari xizmat qiladi.

Bu funksiyalarning qo'llanilishini aniq misollarda ko'ramiz.

5.1.-masala. Quyidagi chegaraviy masalani $[2, 25; 2]$ intervalda yeching:

$$\begin{aligned} \frac{dx}{dt} + 4x + 13x^2 &= e^{\sin(t)}, \\ x(0, 25) &= -1, \\ x(0, 25) &= 1. \end{aligned} \quad (5.3)$$

MATLAB funksiyalaridan foydalanish mumkin bo'lishi uchun tenglamani sistemaga keltiramiz. Buning uchun $y = \frac{dx}{dt}$ almashtirish bajaramiz va dt

$$\frac{dy}{dt} = -4y - 13x + e^{\sin(t)}, \quad (5.4)$$

$$\frac{dx}{dt} = y,$$

tenglamalar sistemasiga ega bo'lamiz. Sistema uchun quyidagi

$$\begin{aligned} y(0,25) &= 1, \\ x(0,25) &= -1, \end{aligned} \quad (5.5)$$

boshlang'ich shart o'rinli bo'lsin.


(5.4) sistemani hisoblash funksiyasini tuzamiz (2.8-listing). 2.9-listing da (5.4) tenglamani ode45 funksiyasi yordamida yechish tasvirlangan, yechim grafigi 32-rasmda keltirilgan.

5.1-listing.

```
function F=FF(t,x)
F=[-4*x(1)-13*x(2)+exp(t);    x(1)];
end
```

5.2-listing.

```
% boshlang'ich shart vektorini hosil qilamiz x0=[1,-1];
% Integrallash intervalini, ya'ni ikki sonli massivni
%      hosil      qilamiz
interval=[0.25 2];
% ode45 funksiyasiga murojaat qilamiz
[T,X]=ode45(@FF, interval, x0);
% grafik yechimni chiqarish
plot(T,X(:,1),'-',T,X(:,2),'-');
legend('y', 'x - Yechim'); grid
on;
```



1-rasm. (5.4) sistemaning grafik yechimi.

Differensial tenglamalar va ularning sistemalarini yechish uchun mo'ljallangan boshqa funksiyalarga ham shu tarzda murojaat qilish mumkin. Differensial tenglamalarni yechishda qo'llaniladigan MATLAB funksiyalarini izchil o'rganish uchun paketning ma'lumotlar tizimiga [4] murojaat qilish zarur.

Mavzuga doir topshiriqlar

1. $x'' = -2x'$ differensial tenglamani yechish?
2. $y' = 6 + y$ differensial tenglamani yechish va yechimni tekshirish?
3. $y' - 8 = 5y$ differensial tenglamani yechish va yechimni tekshirish?
4. $y'' + y' + 1$ ifodaning x bo'yicha differensialini toping?
5. $Y = 3x^3 + 4x^2 + 8x - 48$ ifodaning x bo'yicha differensialini toping?
6. $\int \int (x + y)$ ifodadan ikki marta (avval x , keyin y bo'yicha) aniq integralni hisoblang?
7. $\int \int ((x + y) + 2)$ ifodadan ikki marta (avval x , keyin y bo'yicha) aniq integralni hisoblang?

Nazorat savollari

- 1) Dasturlash, m-fayllar va funksiyalar;

- 2) Dslove funksiyasining vazifasi nima?
- 3) Darajalar bo'yicha komplektlash funksiyasini ayting?
- 4) Oddiy differensial tenglamalar;
- 5) Birinchi tartibli ODT, Eyler metodi;
- 6) Runge-Kutta metodi;
- 7) ODT yechilmalari: ode23, ode45, ode113;
- 8) Ikkinchi tartibli ODTlar va Yuqori tartibli ODTlar;